

TARIKH	15 / 9 / 2012	SEKSYEN	Nasional
MUKA SURAT	23	RUANGAN	Nasional

Jangan ingkar peraturan

SABAK BERNAM - Bakal jemaah haji dinasihatkan mematuhi undang-undang dan peraturan ditetapkan kerajaan Arab Saudi bagi mengelakkan sebarang kekeliruan berlaku.

Ahli Parlimen Sabak Bernam, Datuk Abdul Rahman Bakri berkata, jemaah perlu ingat niat asal mereka menunaikan ibadah haji dan tidak sesekali mengikuti sebarang himpunan ketika berada di sana.

"Jemaah diingatkan tidak melupakan tujuan asal ke Tanah Suci supaya dapat mengerjakan haji tanpa sebarang masalah."

"Kita berasas baik kerajaan Arab Saudi tidak menghalang jemaah negara ini mengerjakan haji dan untuk itu, perlulah mematuhi garis panduan ditetapkan," katanya ketika Majlis Penyampaian Cenderahati kepada 90 Jemaah Haji Parlimen Sabak Bernam.

Menurutnya, kuota jemaah haji Malaysia ti-

dak dapat ditambah disebabkan insiden himpunan Bersih diadakan di Tanah Suci berkenaan melibatkan rakyat negara ini.

Katanya, kesulitan akan berlaku jika terdapat mana-mana jemaah yang melanggar peraturan ditetapkan oleh kerajaan Arab Saudi.

"Tindakan segelintir jemaah haji melanggar peraturan boleh menjas orang lain dan pada masa sama, nama serta reputasi negara juga akan terjejas."

Dalam pada itu, beliau berkata, pihak yang menghadapi masalah mengenai maklumat perjalanan boleh berhubung dengan pihak Tabung Haji Contact Center (THCC) menerusi 03-62071919.

"Kita difahamkan, jadual perjalanan itu akan berubah dan mereka perlu sentiasa mendapatkan butiran terkini supaya tidak berdepan dengan masalah" katanya.



Rahman (dua, kiri) menyampaikan sumbangan kepada seorang Jemaah haji di Pejabat Umno Bahagian Sabak Bernam, kelmarin.